



*Rabu, 25 September 2024*  
**Ogen: Pengerana 4:9-12**



**"Ulin Dua Kalak"**



**I**keten bas perjabun/keluarga/nggeluh ras pasangan si hobi, karakter, sura-sura pelain-lain tentunya jadi sada hal si memerlukan pemikiran rikut pe ras cara pandang si dewasa. Perbedan banci jadi dalam lako ngidah keleng ate Tuhan tapi baci ka jadi malapetaka adina cara pandang sierjabu bagi anak-anak. Contoh si sederhana lako nggambarkan kerna perjabun e me bagi sada pasang sepatu, berbeda tapi saling membutuhkan, berbeda tapi saling melengkapi; berbeda tapi saling menutupi. Sepatu e sikap ipake adina sesuai cara pemakenna (sepatu kanan i pakeken ku nahe kanan janah sepatu kiri i pakeken ku nahe si kiri). Sepatu e la mehuli dingen la sikap ipake bicara seri duana (radu2 kanan-kanan; radu2 kiri-kiri). Sepasang Sepatu lengkap dingen metunggung adina duana ipake.

Pengerana 4:9-12 nuratken maka ulin dua kalak asangkan sekalak-sekalak, sabab adi dua kalak erdahin mbelang bekasna; dikune sekalak sakit lit denga sekalak nari si banci nambarisa. Hal enda negasken maka bas kegeluhen; subuk perjabun bage pe bas dahin-dahin sideban, ulin dua kalak adina bas perjabun; ndehara-perbulangen. Ndehara-perbulangen saling ngelengkapi i bas kekurangan si lit, saling peduli sada ras sideban, saling mpersingeti di kune lit erbahan kesalahen. I bas pendahin pe bage ka, ulin iteremi gelah dahin e meter dungna (bage dahin anak beru bas dahin kalimbubu; dikune sekalak ngenca ndahikenca tentu dahin kalimbubu e la meter dung tapi dikune iteremi tentunya dahin e meter terdungi.

Tentuna lit hal si penting maka isuratken bas Pustaka Si Badia, maka ulin dua kalak asangkan sekalak-sekalak; gelah teridah maka manusia labo banci enggeluh sisada-sisada tanpa saling mperlengkapi ibas kekurangan si lit. Sekalak ndehara banci saja lebih hebat jabatenna asangkan perbulangenna atau sebalikna sekalak perbulangen lebih hebat asangkan ndeharana tapi dikune sekalak i bas sidua e sakit entah idilo Dibata, tentunya kehebaten e lanai maba keriahen. Ulin dua kalak asangkan sekalak.